

خليا

من، گنجھ، اولدوز، آسمان، خليا
دوغماييق بشيميزده سئودالى
بو گنجھ يسه كدرلى يم گويا
كيرلى جامدان گوزوم باخير مدهوش
يوخوسوز جانيمي آپارمير هوش
دالميشام فكره سرلى، معنالى

گنجھ سرخوش داميز - داميز جالانير
تشنه جانين قيريق پياله سينه
اوز توتور اولدوز، آي يانير اوتانير
تيره شن كؤلگه لر آخير باشيما
باخيرام «ليل» آدلى يولداشيما
بورونور جسم قورخو هاله سينه

او سكوت ايچره ناله شبگير
هم نوا اولدو شيوان بومه
يارا صا چكدي بير يارالى صفير
قاققا چكمكده قاره بايقوش لار
شين عشاق دن يورولموشلار
چاغير يارلار منى دم شومه

چالخانير گؤي دنيز كيمي داشقين
حرصلى، اضطرابلى، موج
فكر آفته خاطر يم چاشقين
گنجھ غرق سكوت، من يالقيز
تؤكولور اوستومه حزين بير صيز
او منه من ايسه اونا محتاج

او قاراللىق دىزى، من ايسه ماياق
 صبحه دك من يانيب ايشيق صاچيرام
 او منه اضطرابلى آن دا داياق
 بو گنجه يسه داياق سيزام لاكن
 ال - اله وئرميش ايندى كفر ايله كين

لعن و نفرين ياغير بولودلاردان
 نغش لر ديكله نير تبسم له
 سپيلير قانلى عطر روزگار دان
 نقش اولور قورخو لوح او هام دا
 گنجه ده، من ده، دم ده، الهام دا،
 مات و مبهوت قالميشيق جمله

رقص اندير قانلى روح لار، اشباح
 او يناشير بوزلو كؤلگه لرده او دم
 ديش قيجيردير بو منظره ناگاه
 چاه بابل دن آصلانان هاروت
 چالينير صور، چاخناشير ناسوت
 شيطان آرتيق اولوب مسيحادم

ايستيرم صون قويام بو سؤز لريمه
 گؤرسه نير بير شعاع مستعجل
 مرتعش بير قارالتى گؤز لريمه
 محو نورون صوخور ياخينلاشاراق
 گؤز لريم تك ايچينده قان داشارق
 چاغيرير بير كسيك قير يلמים ال